



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Instantia promotorum contra Episcopos absentes.

urn:nbn:de:hbz:466:1-10502

diffimique Patres vnanimiter censuerunt, literis synodalibus nomine & auctoritate huius Concilij scriptis, Reuerendissimo D. Episcopo Vercellen. respondendum esse.

Hoc eodem die duodecimo Maij Illustriss. D. Metropolitanus quò maturius & accuratius decreta in hoc Concilio Patribus & proponenda & sancienda primùm perpenderentur & examinarentur, congregationem consultationis decretorum constituit, eiq; certos atq; idoneos viros præfecit. Atque pro ratione quidem rerum quæ tractandæ erant, varios etiam cōsultores adhibuit; alios scilicet Canonistas, rituales alios, alios practicæ parochialis peritos, alios denique sacræ Theologiæ Doctores.

Die dominico decimotertio mensis Maij, cum Illustriss. Metropolitanus Reuerendiss. Patribus desiderium suum, & primum animi propositum aperuisset, vt diebus festis qui intra spatium conciliaris temporis incidunt, aliqui ex ipsis Reuerendissimis Patribus Missam conuentualem & sacram concionem haberent in Basilica Metropolitana; Reuerendissimus D. Episcopus Bergomensis, pro sua singulari pietate & charitate, hoc sanctum atque adeo vtile institutum ex animo amplectens, Cappa Pontificali indutus, nonnullis ex R. Canonicis ordinarijs comitantibus chorum ingressus est, & post preces secretas in faldistorio genuflexus recitatas, ad Cornu Epistolæ infra gradus omnes accessit: quo in loco faldistorium erat paratum: ibiq; cum iam officium horæ tertie absolutum esset, sacras vestes coloris viridis pro ratione temporis, ex instituto huius sanctæ Ecclesiæ Ambrosianæ induit, sacerdote assistente, ac diacono & Subdiacono ministrantibus ex R. Canonicis ordinarijs. Reuerendum verò Capitulum eo tempore vt Illustrissimum D. Cardinalem Archiepiscopum, qui huic Missæ sacro interesse volebat, ad illud de more excipiendum è choro exijt. Illustriss. Do. Metropolitanus Chorum capitulo comitante ingressus, perorata prece ante altare, ad sedem Pontificalem accessit. Reuerendiss. D. Episcopus Bergomen. iam omnes sacras vestes Pon-

tificales, ac etiam mitram, verùm sine baculo sic indutus, ad sanctum altare vt sacra mysteria faceret, accedens, Missæ sacrum ritu Ambrosiano celebrauit: post Euangelium suggestum ascendens, vulgari idiomate pie admodum, & elegantissimè concionatus est, Euangeliūque mira eruditione & facundia explanauit. Post orationem dominicam, & in fine Missæ, impetrata primùm facultate deuota capitis inclinatione ab Illustriss. Archiepiscopo, solenniter benedixit.

Absolutisq; diuinis Missæ mysterijs, ad faldistorium reuersus sacras vestes exuit, ac pallium ex humerale violaceū induit, & ad statum locum iuit.

Interfuerunt Missæ sacro & concioni ferè omnes Reuerendissimi Episcopi, qui hæctenus ad Concilium prouinciale venerunt, absolutoq; officio sextæ & nonæ, cum Illustriss. Metrop. in ades Archiepiscopales redierunt.

Congregatio publica.

Feria secunda die decimoquarto præsentis mensis Maij habita est publica congregatio, de more pronunciatis statis verbis libertati dicendi & referendi, facto silentio Reuer. Promotores institerunt in hanc sententiam.

Instantia R. Promotorum contra Episcopos absentes.

Illustrissime ac Reuerendiss. Metropolitanæ. Nos promotores inherendo petitionibus, instantijs, & requisitionibus, quas superiori proxima congregatione in medium attulimus & exhibuimus, instamus, & petimus contra Reuerendiss. Episcopos absentes, & alios qui de iure, & consuetudine huius prouinciæ interesse tenentur, qui per se seu per alios cōstituto tēpore legitimè non cōparuerūt, prout iuris fuerit, agi & procedi.

Illico Reuerendiss. D. D. Episcopi, Derthonen. & Brixien. ac M. R. D. Vicarius Generalis Archiepiscopalis, Iudices excusationum deputati super causis absentia singulorum Reuerendissimorum Episcoporum, qui in hac sancta Syno-

Synodo non comparuerunt, coram ipsis deductis, ita Illustriss. D. Metropolitano retulerunt. Qui postea audita relatione & instantia iam facta super causis Reuerendiss. Episcoporum absentium, decreuit vt infra post relationem.

Relatio Reuerendissimorum Dominorum Iudicum causarum absentiarum.

NOs Iudices excusationum Reuerendissimorum Dominorum Episcoporum huius Prouinciæ absentium per Illustrissimam D. T. deputati, examinauimus & considerauimus causas absentiarum Reuerendissimorum DD. Episcoporum, qui in hac sexta Synodo Prouinciali interesse tenentur, & de singulis ad hunc modum Illustrissimæ Amplit. tuæ referimus, vt quod iustum fuerit, statuere & decernere possit Illustrissima Dominatio tua.

Reuerendissimus D. Episcopus Vercellensis, nuncium Apostolicum agit, & legatione fungitur pro Sanctiss. D. N. PP. apud Cæsaream Maiestatem in Germania; & hanc suæ absentiarum causam allegat vt notoriam, & probat per suos procuratores, quos ad hanc synodum cum legitimo mandato misit.

Similiter Reuerendiss. D. Episcopus Nonariensis visitatoris Apostolici munere fungitur in Ciuitate & Diocesi Genouensis; & hanc causam absentiarum vt notoriam allegat, & procuratores suos cum legitimo mandato misit ad hanc Synodum.

Reuerendiss. D. Episcopus Laudensis, nuncij Apostolici munere fungitur in Hispania apud Regiam Catholicam Maiestatem, vt est notorium, & pro notorio legitime per singularem nuncium ad hanc synodum destinatum deducitur: sed nullum misit procuratorem cum legitimo mandato, ad acceptandum ea quæ statuentur & decernentur in hac sexta Synodo prouinciali.

Reuerendiss. D. Episcopus Saonenfis, apud Auenionem res agit Sanctiss. D. N. Papæ & Sanctæ Sedis Apostolicæ, & id Illustriss. D. T. notum est, atque hanc absentiarum eius causam notoriam esse constat; sed nullum legitimum procu-

ratores in hac sexta Synodo comparere studuit.

Reuerendiss. D. Episcopus Placentinus nondum redijt a legatione, quæ fungebatur pro Sancta Sede Apostolica apud Regiam Catholicam Maiestatem in Hispania, vt est notorium, & Illustriss. D. V. satis constat de hac eius absentiarum causa: sed nullum misit procuratorem cum legitimo mandato, ad acceptandum ea quæ statuentur & decernentur in hac sexta Synodo Prouinciali.

Reuerendiss. D. Episcopus Auenensis abest propter causas Illustriss. D. T. notas, & procuratorem misit cum legitimo mandato, qui eius nomine in Synodo compareat, & decreta acceptet, eisquæ subscribat.

Reuerendiss. D. Episcopus Casalensis abest propter illas causas, quas Illustriss. D. V. per epistolam & singulares nuncios suos significauit; quibus etiam mandatum dedit, vt pro eo absente in Synodo compareant, & ea quæ statuentur, acceptent.

Reuerendiss. D. Episcopus Albiganen. abest; absentiarum causas ignoramus: nec vllum destinauit procuratorem legitimum, qui pro eo compareat, & alia quæ ei incumbunt, præstet.

Sedes Episcopalis Vigleuani vacat.

Decreta Illustrissimi Metropolitanis super absentia Reuerendiss. Episcoporum.

NOs Carolus & c. Auditis & intellectis petitionibus RR. DD. Promotorum, & relationibus Reuerendissimorum D. Episcoporum, Dertonen. & Brixien. ac M. R. D. Vicarij nostri Generalis, delegatorum Iudicum excusationum Reuerendissimorum Episcoporum absentium, decernimus & pronunciamus ad hunc modum de eisdem absentibus Reuerendissimis DD. Episcopis huius prouinciæ nostræ Mediolanensis, qui ad hanc sextam Synodum Prouincialem vocati sunt, & interesse tenentur, & de causis absentiarum eorundem, ac mandatis in hac sexta prouinciali exhibitis.

Reuc-